

Zvonko Marić  
Zastupnik SBB BIH  
BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
SKUPŠTINA KANTONA SARAJEVO  
n/r KANTONALNI STAMBENI FOND

Sarajevo, 30.10.2019

Poštovani g. Jažić

zahvaljujem Vam se na odgovoru broj **02-1076-2/2019** od **11.10.2019.** godine. U navedenom odgovoru tvrdite da je Kantonalni stambeni fond Sarajevo pravovremno odgovorio na moje prethodno pitanje postavljeno u **mjesecu martu 2019. godine** i da se odgovor nalazi na zvaničnoj web stranici Skupštine Kantona Sarajevo, objavljen 1. aprila 2019. godine, s tim u vezi izražavam **svoje nezadovoljstvo** Vašim odgovorom, te Vas molim da u sadržaju odgovora pronađete na primjer odgovor na ova moja pitanja:

1. Informaciju o sistematizaciji radnih mjesta i to **tabelarni pregled u formi Aneksa 1.** shodno **članu 12.** Pravilnika o unutrašnjoj i sistematizaciji radnih mjesta u Kantonalnom stambenom fondu Sarajevo od 31.07.2017. broj **01-937-3/2017** koji je sastavni dio pomenutog Pravilnika

Ljubazno Vas molim da mi ukažete gdje se u odgovoru nalazi dio **sa Aneksom 1. ili gdje je tabelarni pregled**

2. Zašto je došlo do izmjene Pravilnika o unutrašnjoj i sistematizaciji radnih mjesta u Kantonalnom stambenom fondu Sarajevo od 31.07.2017. broj 01-937-3/2017 dana 28.06.2018. godine član 12. u dijelu Aneksa 1. -sistematizacije radnih mjesta, u rednom 10, , stavka Radno iskustvo, riječi: "Tri godine nakon sticanja VSS" zamjenjuju se sa riječima: "Dvije godine godina nakon sticanja VSS"

Na ovo pitanje **apsolutno ne postoji odgovor**, a ako tvrdite suprotno molim Vas da mi ukažete gdje se to nalazi u odgovoru koji pominjete.

3. Molim da mi se dostavi ime uposlenika na radnom mjestu koje je se nalazi u gore pomenutoj tabeli Aneksa 1 po rednim brojem 10

**Nijedno ime uposlenika KSF se ne pominje u odgovoru!!!**

4. Molim da mi se dostave svi pravilnici o unutrašnjoj i sistematizaciji radnih mjesta u Kantonalnom stambenom fondu Sarajevo od 2015. do danas kao i izmjene Pravilnika koje su se dešavale od 2015. godine

**Svi pravilnici koje tražim mi nisu dostavljeni, osim jednog!!!**

5. Molim da mi se dostavi informacija o svakom zapošljavanju u KSF od 2015. do danas i na koja radna mjesta u okviru sistematizacije radnih mjesta

**Nikada mi niste dostavili informacije o svakom zapošljavanju tj. imena uposlenika, napominjem da KSF nema toliko uposlenika da je odgovor na ovu informaciju nemoguća misija!!!**

Poštovani g. Jažić upozoravam Vas na zakonske posljedice nedostavljanja odgovora na ova pitanja i nadam se da nećete dozvoliti da se to desi.

S poštovanjem,

Zastupnik SBB BIH  
Zvonko Marić